



Jens Napätök',  
Inatsisartuni ilaasortaq, Partii Naleraq

**§ 37 naapertorlugu apeqqummut 127/2019-imut akissut –  
inuussutissarsiutitigut ilinniartitaanerit pillugit**

13-03-2019  
Sagsnr.  
Dok. nr. 10271074

Postboks 1029  
3900 Nuuk  
Tlf: +299 34 50 00  
Email: [ikin@nanoq.gl](mailto:ikin@nanoq.gl)  
[www.nanoq.gl](http://www.nanoq.gl)

Asasara Jens Napätök',

Inatsisartut suleriusaat naapertorlugu apeqquinnut qujanaq. Apeqquitiit ataani akissavakka.

**Apeqquut 1:** *Naalakkersuisut ilinniartut pillugit ilinniarnerminni aamma sulinermik sungiusarnerminni qanoq ilinniartutut illersugaappat?*

**Akissut:**

Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq kapitel 8 ilinniartut inatsisitigut inissisimanagerat ilinniartunik illersuinissamik siunertaqartumik imaqarpoq. Inatsisartut suleriusaat naapertorlugu apeqquinnut qujanaq. Apeqquitiit ataani akissavakka.

Pissutsit qulaani pineqartut inuussutissarsiutitigut ilinniarnerit aamma pikkorissarnerit pillugit Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq § 31 naapertorlugu ilinniartitaanermut tunngasutigut ima aalajangersarneqarsimapput:

Kalaallit Nunaanni qitiusumik ilinniarsiitit tassaapput pisortat suliffeqarfiutaat namminersortut.

Imm. 2. Suliffeqarfiit ingerlatsinerat pillugu aalajangiinerit, allaffissornikkut pisortaqarfimmuut allamut saqqummiunneqarsinnaanngillat, taamaattoq tak. imm. 3 aamma § 45.

Imm. 3. Imm. 2-mi aalajangersakkat apeqquataatinnagit, suliffeqarfiit ilinniartumut naleqqiullugu aalajangiineri, ilinniartumit Naalakkersuisunut

maalaarutigineqarsinnaapput. Tamannali suliamut attuumassuteqartut pillugit aalajangiinernut atuutinngilaq.

Aammattaaq § 58, imm. 1-imi 2-milu ima allaqqavoq:

Ilinniartup inuutissarsiutinik ilinniarfimmuq attuumassuteqartup suliffeqarfiullu sungiusarluni suliffiusup akornanni isumaqatigiinngissuteqarneq qitiusumik ataatsimiititaliamut saqqummiunneqarsinnaavoq, taannalu isumaqatigiissitsiniassaaq. Illuatungeriit isumaqatigiissinnaanngippata qitiusumik ataatsimiititaliaq aalajangiisnaavoq.

Imm. 2. Ilinniartup qitiusumik ilinniarfimmuq attuumassuteqartup suliffeqarfiullu sungiusarluni suliffiusup akornanni isumaqatigiinngissuteqarneq qitiusumik ilinniarfiup siulersuisuinut saqqummiunneqarsinnaavoq, taakkualu isumaqatigiissitsiniassapput. Illuatungeriit isumaqatigiissinnaanngippata qitiusumik ilinniarfiup siulersuisui aalajangiisnaapput.

Kiisalu § 63-imi ima allaqqavoq:

Inatsisartut inatsisaat manna naapertorlugu aalajangiinerit pillugit maalaarutit, aalajangiinerup tiguneraniit sapaatip-akunneri 4 qaangiutsinnagit Naalakkersuisunut imaluunniit maalaarfissatut Naalakkersuisut pisinnaatitaannut saqqummiunneqarsinnaapput, taamaattoq tak. § 31, imm. 2, aamma § 58.

**Apeqquq 2:** *Naalakkersuisut ilinniartut pillugit ilinniarnerminni aamma sulinermik sungiusarnerminni maalaarutinik ilinniarfitsik kiisalu sulinermik sungiusarfigisartik pillugu tigusaqartanikuuppat?*

a) *Aap, atorpeqarpat, ukiumut qassit?*

**Akissut:**

Ilinniartunit maalaarutit suliarineqartarnerat ima ippoq:

- Maalaarut atuarfiup aqutsisuinut suliarisassanngorlugu siullermik nassiunneqartarpoq. Aqutsisut tamatuma kingorna suliami aalajangiissapput.
- Tamatuma kiingorna maalaaruteqartup aalajangiinermut iluarinninngippata atuarfiup siulersuisuisa imaluunniit brancheudvalgip suliaq suliarisnaavaa.
- Naggataagut aaliangiissussatut suliaq Ilinniartitaanermut Naalakkersuisoqarfimmuq maalaarutigineqarsinnaavoq.

Ukiuni pingasuni kingullerni maalaarutit toqqaannartumik ilinniartitaanermut Naalakkersuisoqarfimmut ima amerlatigipput:

2016-imi maalaarutit amerlassusaat: 1  
2017-imi maalaarutit amerlassusaat: 4  
2018-imi maalaarutit amerlassusaat: 6

Suliassat amerlanerpaartaat qanoq issusaat peqqutigalugit maalaarutit ilinniarfiup aqutsisuinut imaluunniit siulersuisuinut suliarisassanngorlugit ilinniarfinnut innersuunneqartarput.

Ukiuni pingasuni taaneqartuni ilinniarfimiinnermut atatillugu qulinik aamma ilinniarnermut atatillugu sungiusarnermi ataatsimik maalaaruteqartoqarsimavoq.

***Apeqqut 3: Ilinniartut qassit sulinerмик sungiusartillutik, aamma ilinniartuutillutik, sulinerмик avatangiisit pissutaallutik ilinniarnerminnik unitsitiinnartarpat?***

**Akissut:**

Ukiut ingerlanerini immikkuullarissumik peqquteqarluni atuarunnaartut qanoq amerlatiginerat pillugu paasissutissanik sukumiisunik atuarfiit katersisinnaasimangillat. Taamaattumik paasissutissat tamaasa pillugit naatsorsuinernik imaluunniit qanoq amerlatigisut suna pillugu atuarunnaartarnerannik pillugit paasissutissaateqartoqanngillaq. Taamaattumik Naalakkersuisut sulinermi avatangiisit kiisalu oqaatsit peqqutigalugit atuarunnaartoqartarnersoq sukumiisumik paasissutissiissutigisinnaanngilaat.

Taamaattorli atuarnermik unitsitiinnartarnermut peqquitasut atuarnermik unitsitiinnartarneq pillugu juni 2015-imi misissuinermi kingullermeersumi EU-mi suleqatigiit ACE International Consultants ECORYS'imit peqataaffigineqartumit takuneqarsinnaapput.

Ukiuni 2003-2013-imi inuussitssarsiutitigut ilinniartitaanerni ilinniarnermik unitsitiinnartarnerit 50 %-iusimapput. Atuarnermik unitsitiinnartarneq inuussutissarsiutitigut ilinniartitaanerni ataasiakkaani atuarnerup aallartinnerani pisarput. Atuarnermik unitsitiinnartarnerit atuarunnaartarneq pillugu misissuinermi naatsorsorneqarsimasut tamakkiisuupput. Atuartunik, ilinniartitsisunik aamma atuarfimmi aqutsisunik kiisalu suliffeqarfinnik apersuinerni atuarnermik unitsitiinnartarnermut ilaatigut makkua taaneqarput:

- Inuttut ajornartorsiutit – inuuniarnikkut aamma tarnikkut
- Naammaginangitsumik meeqqat atuarfianniit piginnaasaqarneq
- Danskit oqaasiinik ajornartorsiuteqarneq
- Ilinniakkamik kukkusumik toqqaaneq
- Atuarnermut atatillugu suliffimmik sungiusarfissaaleqineq
- Kajumissuseqannginneq
- Ilinniartut ineqarfiinut tunngasumik qanoq pisoqarnera
- Aningaasaqarnikkut ajornartorsiutit
- Atonerluinerмик ajornartorsiutit

- Ilinniagaq pillugu qanoq piniarnermik amigaateqarneq
- Ajorpallaamik siunnersorneqarneq
- Angerlarserneq
- Il.il.

**Apeqquut 4:** *Oqaatsitigut ajornartorsiuteqarneq danskisut imaluunniit kalaallisut oqaatsit pissutaallutik ilinniartut qassit ilinniarnermikkunniit unisitiinnartarnikuuppat unisitsinnaartarlutillu?*

**Akissut:**

Apeqquummut 3-mut akissut takuuk.

**Apeqquut 5:** *Naalakkersuisut ilinniartut pillugit sulineramik sungiusartut aamma ilinniartut illersorneqarnissaat pillugu malittarisassaqqarpas?*

**Akissut:**

Apeqquummut 1-imut akissut takuuk.

**Apeqquut 6:** *Naalakkersuisut ilinniartut pillugit ilinniarnermikkunniit illersorneqarnissaat soorlu assersuutigalugu: oqaatsitigut oqalorujunneqarneq, timikkut persuttarneqarneq, uumisaarineq atornerqarpas, ammip qalipaataanik immikkoortitsisoqarpas, kinguaassiuutitigut kannngutsaatsuliorfigineqarneq aamma eqqunngitsumik iliorfigineqarneq pillugit qanoq pilersaaruteqarpas?*

**Akissut:**

Naalakkersuisut § 37 naapertorlugu apeqquutini suliat aalajangersimasut pillugit oqaaseqaateqarsinnaanngillat.

Naalakkersuisut naqissusissavaat, persuttaaneq, innarliineq aamma eqqunngitsuliorfigineqarneq kiisalu atuartunik ilinniartunillu uumisaarineq, ammip qalipaataa peqqutigalugu immikkoortitsineq aamma qinngasaarineq sunaluunniit ilinniartoqarfinni akuerineqanngimmata.

Atuarfiit aqutsisui suliani taama ittuni akuliunnissartik pisussaaffigaat, atuarfiup ingerlanneqarnerani ilinniartitsinermilu akisussaasutut pisut ilinniartullu saaffiginnissutaat qisuariarfigisussaagamikkat.

Inunnik allanik innarliineq, ajuallatsitsineq, persuttaaneq aamma ammip qalipaataa tunngavigalugu immikkoortitsineq Kalaallit Nunaanni pinerluttaalisitsinermi inatsimmi innarliinerit ammillu qalipaataa tunngavigalugu immikkoortitsinerit §§ 99 aamma 100

naapertorlugu pineqaatissiissutigineqarsinnaapput. Atuartut ilinniartullu  
pinerluttaalitsinermut inatsimmit aamma illersugaapput.

Naalakkersuisut pisunut ataasiakkaanut ammip qalipaataa tunngavigalugu  
immikkoortitsinerit, innarliinerit, ajuallatsitsinerit assigisaallu pillugit pisunut ilinniartoqarfiit  
pinaveersaartitseqqullugit kaammattussavaat.

Inussiarnersumik inuulluaqqusilluta  
Med venlig hilsen

  
Ane Lone Bagger